

**MINISTRIA E BUJQËSISË DHE ZHVILLIMIT RURAL**  
N J O F T I M

Në zbatim të pikës 1 të nenit 52 të ligjit nr. 64/2012, datë 31.5.2012 “Për peshkimin”, i ndryshuar, të VKM-së nr.712, datë 31.7.2013 “Për përcaktimin e procedurave të konkurrimit publik për të drejtën e peshkimit në ujërat e brendshme, format e tjera të peshkimit në det pa përdorimin e mjeteve lundruese, dhe zhvillimin e akuakulturës në sipërfaqe publike tokësore dhe ujore”, i ndryshuar, Urdhërit të Ministrit nr. 250, datë 7.6.2018 “Për krijimin dhe funksionimin e komisionit të vlerësimit të kërkesave për ushtrimin e aktivitetit të peshkimit në ujërat e brendshme të Republikës së Shqipërisë”, i ndryshuar dhe Udhëzimit të Ministrit nr. 4, datë 14.5.2019 “Për kriteret dhe nivelin e vlerësimit, si dhe detajimi i pikësimit për të gjitha kategoritë ujore në ujërat e brendshme, format e tjera të peshkimit në det pa përdorimin e mjeteve lundruese, dhe zhvillimin e akuakulturës në sipërfaqe publike tokësore dhe ujore, për procedurën e konkurrimit publik”, bazuar në studimin e përgatitur nga Projekti IPA Fishing Blue për zonat e përcaktuara të akuakulturës të përgatitura në Nëntor 2020, Ministria e Bujqësisë dhe Zhvillimit Rural, shpall pjesëmarrjen në konkurrim publik për zhvillimin e aktivitetit të akuakulturës intensive në zonën e mëposhtme:

Data e konkurrimit 31. 3. 2021, ora 10.00

Nr.	Rrethi	Objekti uJOR	Lloji i aktivitetit
1	Sarandë	Zona ujore detare me këto koordinata: Gjerësia gjeografike      Gatësia Gjeografike 1- 39° 53' 27.84'' N      19° 53' 35.61'' E 2- 39° 53' 31.09'' N      19° 55' 50.45'' E 3- 39° 52' 31.09'' N      19° 55' 51.47'' E 4- 39° 52' 29.91'' N      19° 54' 51.65'' E 5- 39° 52' 46.46'' N      19° 54' 50.64'' E 6- 39° 52' 45.67'' N      19° 53' 34.89'' E	<i>Akuakulturë intensive</i>

## ANEKSI 1. Modeli standard i hartimit të plan biznesit

## A. PJESA PËRSHKRUESE E PLANIT TË BIZNESIT

## 1. HISTORIKU I AKTIVITETIT EKZISTUES

1.1 Aktiviteti tregtar, nëse ka.

1.2 Lloji i shoqërisë tregtare. ....

1.3 Përshkrim i burimeve të financimit. ....

1.4 Niveli i punësimit. ....

1.5 Performanca e aktivitetit nëse ka për tri vitet e fundit, si dhe perspektiva e së ardhmes për biznesin në fjalë.....

## 2. PËRSHKRIMI I PROPOZIMIT

2.1 Paraqitni me një përshkrim të shkurtër e të përgjithshëm të shprehjes së interesit  
.....

## 2.2 Analiza e tregut të peshkut.

2.3 A keni kontrata ekzistuese të ngjashme ose eksperiencë?  
.....2.4 Niveli i punësimit dhe aftësitë e nevojshme.  
.....2.5 Legjislati i zbatueshëm për këtë investim/aktivitet peshkimi/akuakulture.  
.....2.6 Përshkrim i riskut të këtij investimi/aktiviteti.  
.....

## 3. PROJEKTI TEKNIK I INVESTIMIT TË PROPOZUAR

3.1 Teknologjia, procesi i prodhimit të propozuar dhe niveli i zënies/prodhimit peshkut.  
.....

3.2 Ndërtim/rikonstruksioni, nëse ka.

3.3 Pajisjet e nevojshme.

#### 4. DETAJET FINANCIARE TË PROJEKTI TË RI TË PROPOZUAR

4.1 Përmbledhje e kostove dhe financimit.

4.2 Komente për parashikimet e të ardhurave dhe fitimit.

### B. UDHËZIM MBI PLOTËSIMIN E PJESËS PËRSHKRUESE TË PLANIT TË BIZNESIT

#### 1. HISTORIKU I AKTIVITETIT EKZISTUES

1.1 Aktiviteti tregtar aktual i aplikantit.

- Përshkruani shkurtimisht aktivitetin ekzistues, përfshirë tregun e produktit peshkor dhe përcaktoni konsumatorët tuaj kryesorë.

- Përshkruani kontratat ekzistuese me blerësit.

- Përshkruani konkurrentët tuaj kryesorë dhe pozicionin tuaj në treg.

- Përshkruani shkurtimisht sasinë e peshkut që do të prodhoni/peshkuar, vëllimin ekzistues të shitjeve dhe çmimet mesatare të marra.

1.2 Lloji i shoqërisë tregtare.

- Shpjegoni dhe paraqisni një listë të shoqërive që kanë lidhje pronësie me aktivitetin/biznesin tuaj, të cilat janë të lidhura ngushtë me funksionimin e aktivitetit tuaj ekzistues nëse ka.

1.3 Përshkrimi i burimeve të financimit.

- Përshkruani dhe paraqisni garancitë financiare, që kanë lidhje me aktivitetin dhe që garantojnë zbatimin e detyrimeve të investimeve të marra përsipër.

1.4 Niveli i punësimit.

- Numri total i të punësuarve me kohë të plotë, si dhe numri i të punësuarve me kohë të pjesshme dhe sezonale.

- Përshkruani strukturën e drejtimit të biznesit.

1.5 Performanca e aktivitetit për tri vitet e fundit, si dhe perspektiva e së ardhmes për biznesin në fjalë.

- Jepni përshkrime të nivelit të performancës financiare të kohëve të fundit si dhe deklaroni ose bashkëngjisni dokumentacion provues që aplikanti nuk ka detyrime për nergjine elektrike, organet tatimore.

- Operatori nuk duhet të jetë i denuar sipas nenit 45 pika 1 e ligjit nr. 9643 datë 20/11/2006 "Për prokurimin publik", i ndryshuar.

- Përshkruani analizën e bilanceve të 3 viteve të fundit Analizoni shkurtimisht informacionin e bilancit dhe pasqyrës së ardhurave dhe shpenzimeve për tri vitet e fundit,

#### 2. PËRSHKRIMI I PROPOZIMIT

2.1 Paraqitni me një përshkrim të shkurtër apo një panoramë të përgjithshme të investimit të ri, si dhe shpjegoni arsyet tuaja përse dëshironi të merrni përsipër projektin. Përshkruani investimin ekzistues në Shqipëri i cili vihet në dispozicion të propozimit.

- Përshkruani shkurtimisht llojin e aktivitetit, procesin e prodhimit dhe rezultatet përfundimtare të pritshme aty ku është e mundur.

- Shpjegoni synimin përse dëshironi të ndërmerrni këtë projekt.

2.2 Analiza e tregut të prodhimit peshkor.

Lutemi të merrni parasysh çështjet e mëposhtme nëse do të zhvillohet/paraqitet një produkt peshkor cilësor në bazë të investimit të ri:

- Përshkruani natyrën dhe përmasat e tregut për produktin peshkor dhe përcaktoni konsumatorët tuaj

kryesorë;

- Çmimet e produktit peshkor që do të peshkohet/prodhoet krahasuar me tregun;

- Përshkruani marrëveshjet e paraprake me blerësit për prodhimin peshkor të peshkuar/prodhuar si rezultat i investimit, nëse ka; Përshkruani kontrata të ngjashme në fushën e peshkimit.

- Përshkruani konkurrentët tuaj kryesorë dhe se si keni ndërmend të konkurroni me ta.

2.3 A keni kontrata ekzistuese ose eksperiencën të ngjashme?

- Përshkruani shkurtimisht kontratat ekzistuese apo ato potenciale në lidhje me investimin tuaj, nëse ka.

2.4 Niveli i punësimit dhe aftësitë e nevojshme me grafikë të ndarë në vite.

- Shpjegoni cilat janë aftësitë e nevojshme për ta bërë këtë projekt (propozim) të suksesshëm dhe se si ju synoni t'i siguronit këto aftësi.

- Nëse synoni të punësoni staf të ri lutemi të përshkruani numrin, eksperiencën dhe kualifikimet që ata duhet të kenë për të gjithë kohëzgjatjen e kontratës e specifikuar për çdo vit.

2.5 Legjislacioni i zbatueshëm për këtë investim.

- Rendisni legjislacionin që zbatohet për këtë aktivitet të zënies/prodhimit të peshkut dhe përshkruani hapat që ju do të ndërmerrni për të siguruar që aktiviteti juaj të jetë i pajtueshëm me të.

- Evidentoni dhe përshkruani lejet/ licencat/certifikatat/ patentat etj., të nevojshme për zbatimin e investimit të ri dhe ushtrimin e aktivitetit.

2.6 Përshkrim i riskut të investimit.

- Identifikoni dhe përshkruani fushat kryesore të riskut brenda projektit tuaj dhe ndikimin që këto mund të kenë në suksesin e projektit të ri.

- Përshkruani çfarë do të bëni ju për të zbutur/minimizuar ndikimin e këtyre risqeve.

- Përshkruani ndikimet sociale të investimit të ri mbi aktivitetin tuaj dhe komunitetin e gjerë nëse ka.

### 3. PROJEKTI TEKNIK I INVESTIMIT TË PROPOZUAR

3.1 Teknologjia, procesi i prodhimit të propozuar dhe niveli i zënies/prodhimit të peshkut, kjo e lidhur/shprehur me efektivitetin në sasi peshku i peshkuar/prodhuar dhe i shitur.

- Përshkruani teknologjinë që do të futet në përdorim, kapacitetin e saj, si dhe arsyet për të cilat ky kapacitet është përzgjedhur në lidhje me lëndët e para që keni në dispozicion (rasatë peshku, rrjeta peshkimi etj.).

- Përshkruani sasinë e peshkut që mund të peshkoni/prodhoni gjatë kryerjes së këtij investimi sipas viteve. Prodhimi duhet të jete për të gjithë kohëzgjatjen e kontratës.

- Nëse aktiviteti i zënies/prodhimit të peshkut kërkon kohë për të arritur që të shfrytëzohen me kapacitet të plotë, kjo duhet të shpjegohet në mënyrë të qartë. Për shembull, në vitin 1 pas nënshkrimit të kontratës, kapaciteti i shfrytëzuar është \_\_\_\_\_%, në vitin 2 arrin në \_\_\_\_\_% dhe në vitin 3 \_\_\_\_\_% e me radhë deri kur arrin shfrytëzimin e plotë të kapacitetit. Ky përshkrim duhet të përgatitet për mjetet e veglat që përdoren për zënie/prodhimin e peshkut, pajisjet dhe punimet e ndërtimit që propozohen.

3.2 Ndërtimi/ rikonstruksioni nëse ka.

- Paraqisni një projektide të ndërtimit/ rikonstruksionit të planifikuar. Ndërtimet/ rikonstruksionet duhet të jenë në përputhje me legjislacionin në fuqi për fushën e peshkimit/ akuakulturës dhe atë mjedisore si dhe të akteve të tjera ligjore në fushat perkatëse.

- Në rast të investimit ekzistues pershkrim i gjendjes faktike të të ketij investimi.

### 3.3 Pajisjet e nevojshme.

- Paraqisni një listë të mjeteve/ veglave e pajisjeve të nevojshme që iu duhen për zhvillimin e aktivitetit të zënies/ prodhimit të peshkut.

## 4. DETAJET FINANCIARE TË PROJEKTIT TË RI TË PROPOZUAR

### 4.1 Përmbledhje e kostove dhe financimit.

- Lutemi të paraqisni një përmbledhje të totalit të kostove të investimit të propozuar.

### 4.2 Komentë për parashikimin e të ardhurave dhe fitimit.

- Në rastet kur një aktivitet i zënies/ prodhimit të peshkut ekzistues do të zhvillohet me pritmërinë se do të krijojë të ardhura shtesë, është e nevojshme të paraqitet informacion financiar për aktivitetin ekzistues përpara investimit dhe më pas të planifikohen flukset financiare pas investimit.

- Rezultatet e analizës së të ardhurave dhe analizës së shpenzimeve për investimin e aktivitetit të zënies/ prodhimit të peshkut për të cilin aplikoni për konkurrim publik, duhet të formojnë bazën për planifikimin e flukseve të reja të parave, që iu nevojiten për vazhdimësinë e këtij aktiviteti.

*Aplikimi do të bëhet në portalin e-Albania: Aplikimi online për konkurrimin publik, vetëm me planin e biznesit të firmosur për çdo faqe.*